

1584  
1584  
1578

1585  
1585  
1585

1585  
1585  
1585

1585  
1585  
1585

1585  
1585  
1585



✓ 00/10

alt. Nr. 261

Sprangerberg, Cyr.

in weitere 22 Schriften

K. IV. 45.



21

**Johann Günthers/et  
wa Diaconi zu Weymar notwendiger  
Berichte/Varumb neben Ern Paulo Keinecker/er bisher auff  
die vielfeigen vnerfindlichen Beschwerung/M. Bartholo  
mæi Rosini des Weymarischen Pfarrers vnd Superintens  
denten/in öffentlichen Druck nichts geantwortet/  
Aber hinfure mit Göttlicher hülffe/ aus  
vnuormeidlicher Not es zu thun/ver  
ursachet werde.**



Syrach Cap 4. 10.

Verdamme niemand/ehe du die sache zuvor erkennest/ ers  
kenne es zuvor vnd straffe es denn.

Du solt nicht Urteilen/ehe du die sache hörest/ vnd las die  
Leute zuvor ausreden.

1573.

2. Chronic: 19.

Sagt Josaphat zu den Richtern: Sehet zu was ir thut/  
Denn jr haltet das Gericht nicht den Menschen/ sondern dem  
HEKKN/ vnd der ist mit euch im Gericht/ Darumb lasset die  
furcht des HEKKN bey euch sein/ vnd hütet euch vnd thuts.  
Denn bey dem HEKKN vnserm Gott ist kein vnrecht noch  
ansehen der Person/ noch annehmen des Geschencks.

Deut: 27.

Verflucht sey/wer das Rechte des frembdlingen/des Wai-  
sen vnd der Witwen beuget/ vnd alles Volk soll sagen Amen.

Proverb: 17.

Wer den Gottlosen Recht spricht/ vnd den Gerechten ver-  
dampt/ die sind beyde dem HEKKN ein greuel.

Liberius sagt zum Keyser Constantio/ da er begeret/ er  
solte Athanasium verdammen: Lieber Keyser/ die Kirchen  
Gerichte sollen der Gerechtigkeit nach/ fleissig gehalten wer-  
den. Derwegen so es deiner Gottseligkeit geliebet/ so befehl  
das ein Gerichte angestalt werde/ darinnen wider Athanasio-  
um/wenn mans dafur achtet/ das er soll verdammet werden/  
nach ordnung vnd gebrauch der Kirchen ein Urteil gefelles  
werde. Denn wir können den nicht verdammen/ vber welchen  
kein Urteil ordentlich gesprochen ist.

2

**N**ach dem es nun fast zwey Jar/  
das M. Bartholomæus Rosinus/ Pfarherr vnd  
Superintendens zu Weimar/ als er das Pelagias-  
nische Accidens/ (welches Victorinus Serigelius  
die Erbsünde zuverkleinern/ vnd den Freyen wils-  
ten in Geistlichen sachen zuerheben/ auff die Bahn bracht) sei-  
nen vorigen Confession vnd Confutation Schriefften/ reden  
vnd Handlungen zu wider ganz vergessentlich angenommen/  
Vnd Ern Paulum Keinecker vnd mich/ die wir in dem fall es  
mit ihme mit guten gewissen/ vnd ohne abbruch der Bekente-  
nis der warheit nicht halten können/ vom Diaconat doselbst/  
nicht allein vnbillich vnd vnordentlich/ als vnser furnembstes  
Verfolger/ auff vorgehende vielfeltige beschwerung/ grimmig-  
lich verstoffen/ Sondern auch vns mit sehr vielen vnerfind-  
lichen auflagen/ Mündlich vnd Schriftlich/ heimlich vnd  
öffentlich/ bey Hohes vnd Nider standes/ bey Geistlichen vnd  
Wellichen/ bey Bürgern vnd Bauern/ bey Ein vnd auslän-  
dischen/ vnd sonderlich auch öffentlich auff der Cankel/ fur vn-  
sern lieben Kirchkindern zu Weimar beschweret/ werden ohne  
zweiffel sich eeliche verwundern/ Warumb wir/ so wir vns vn-  
schuldig wissen/ vnser antwort vnd Gegenbericht darauff nicht  
thun/ vnd die vielfeltigen Rosinischen auflagen ablehnen.

Aber der Christliche Leser soll wissen/ das wir mit vnser  
antwort vnd ablehnung so lang verzogen/ ist nicht geschehen/  
das wir vns schuldig wüsten/ vnd durch solchen verzug der Ge-  
genantwort/ vns gleich schuldig geben/ sondern neben dem wir  
vns getröstet/ vnd durch Göttliche vorleyhung noch Trösten  
der wort Christi Matth: 5. Selig seid jr/ wenn euch die Mens-  
schen vmb meinen willen schmehen vnd verfolgen/ vnd reden  
allerley vbelts wider euch/ So die dran liegen. Seid frölich vnd

getrost/ es wird euch im Himmel wol belohnet werden. Denn also haben sie verfolget die Propheten die vor euch gewesen sind/ haben wir bisher gewartet/ Ob durch ordentliche mittel/ die man haben können/ die auff's new erregte controuersia von der Erbsünde geschehener zusage nach würde geörtert/ vnd vnser auch in einem Conuentu vñ ordentlichen Kirchen Gerichte/ vnserm demütigen bitten vnd erbitten nach/ endlichen gedachte vnd nicht vergessen werden möchte.

Zu dem/ das vnser lieben zuhörer zu Weymar/ sonderlich was das belanget/ das Rosinus öffentlich auff der Cankel von vnsern Predigten/ falscher/ verkerter/ verstümleter weise/ wütende ausgegossen/ vns entschuldiget/ das sie dergleichen niemals von vns gehöret/ werden vns auch/ wie sie zuthun schuldig/ ferner/ vnd sonderlich fur dem Gerichte/ da gar kein ansehen der Person sein wird/ entschuldigen.

So hat vns auch nicht wenig entschuldiget/ vnd dagegen Rosinum/ das er keine gute sache haben müste / verdecktig gemacht/ Das er den Zedel/ so er auff der Cankel von vnsern Predigten/ vnd dem jenigen so darauff erfolget sein sollte/ verlesen/ als ein Lichtflüchtiger/ tagschewender / zu winkel zu gekrochen/ vnd denselbigen weder vns noch zweyen Bürgern/ auff begern geben wollen/ vngeacht seines erbittens auff öffentlicher Cankel/ vnd das er es fur Gott vnd der Welt/ zu thun schuldig gewesen.

Es hat auch der ganz geschwinde/ vnbilliche/ vnordentliche wider vns fürgenommene Proceß/ dazu sich Rosinus allenthalben/ als vnser fürnehmster verfolger brauchen lassen/ bey Gottfürchtigen verstendigen Christen/ Ja bey allen vernünftigen Menschen/ die es gehöret vns helfen entschuldigen/ vnd Rosinum vnd zwar billich/ beschuldigen.

Item/ Das er Rosinus niemals/ do wir furgestanden/ in  
vnser

3

vnser gegenwertigkeit vns einige rede/die wir zu vnser entschuldigung/aus erforderung der Not furbracht/ gestehen/ noch einige antwort darauff thun wollen/ auch nicht können/ vñ doch sonsten in vnserm abwesen/ vnd auch auff öffentlicher Cankel/ so grewlich wider vns gepoltet vnd gewütet/ hat vrsach geben/ Das solch sein vng gehalten schreien wider vns/ fur vngegründetes/ leichtfertiges/ Nachziriges fürnemen geachtet.

So hat man auch Rosini Schriftlichen wider vns ausgesprengten Bericht/ auch nicht allenthalben glauben geben wollen/ auch nicht sollen. Denn etliche Prediger vnd anders/ vnd zwar zum theil Hohes standes Personen/ an die Rosinus von vnser entsetzung geschrieben/ haben sich/ nach verlesung der Brieffe/ vernemen lassen/ Wir kennen Rosinum wol/ kennen auch beyde Caplene zu Weymar/ Wir wissen was sich fur etlich Jaren fur ein Streit die Erbsünde belangende/ in Düringen zugetragen/ vnd wie derselbige wider erregt/ vnd was fur ist/ Es helet sich viel anders/ denn Rosinus schreibet. Solte man die Caplene/ wie billich/ auch hören/ vnd ihren Bericht dauon bekommen/ es würde sich gewislich viel anders finden.

Item/ Das sein Rosini Mündlich vnd in Brieffen ausgesprengter Bericht/ vnd das beschwerlichen geschrey auff der Cankel/ nicht allein mit dem Höfischen vñ des Consistorij Bericht/ darauff man sich in vnser entsetzung/ Vnd er Rosinus auff öffentlicher Cankel sich referiret/ nicht vber ein troffen/ sondern auch/ wie auff erforderung der Not kan dargethan werden/ mit sich selbst nicht gleich gestimmet: Daraus man mercken können das falsch zeugnis/ wie es heist: Vnd ihr zeugnis stimmet nach nicht vber ein. Vnd wie die zween alten Richter/ welche die Susannam falschlich anlagten/ wider sich selbst/ das sie falsche Zeugen weren/ zeugten/ In dem der eine von ei-

ner Linden/ der ander von einer Eichen sagete/ vnd sich also selbst vmb's Leben brachten. Also hat sich Rosinus selbst mit seinem falschen vngleichem Berichten/ als einen falschen Zeugen an tag gegeben/ wird auch (Gott gebe das er durch rechtschaffene Busse vnd Bekerung/ es möchte vorkommen) falscher zeugen straff/ zu gewarten haben.

In betrachtung des/ so ich hie erzehlet/ vnd dergleichen/ haben wir etwas lenger verzogen/ Rosini falschen aufslagen vnd verleumdungen zu begegnen.

Diueil aber wir/ wie zwar auch andere/ bisher nicht allein vergeblich auff einen Conuentum vnd ordentlich Kirchens Gericht/ lauts des ausdrücklichen Buchstabens Formulæ Consistorij gewartet / vnd nun gestalteten sachen nach / wir feener vergeblich darauff möchten warten müssen/ Vnd Rosinus gleichwol neben etlichen andern/ wie wir das die zeit vber in unserm Elend erfahren/ vnauffhörlich vns beschweret/ vnd Mündlich vnd Schriftlich sich böshafftiglich bemühet/ vns verdecktig vnd verhasst zu machen vnd es dahin zubringen/ das wir an andern örten keine Herberge vnd förderung bekommen/ oder je die leng nicht haben möchten/ erfordert es die hohe vnuormeidliche Not/ wird vns auch von Gottfürchtigen/ verständigen Christen solches trewlich gerahen/ Das wir nun hinfurt/ so viel möglich vnd ordentlicher weise geschehen kan/ mit verantwortung vnd Gegenbericht / Rosini Lügen vnd verleumdungen begegnen.

Derwegen ich im Namen Gottes hie dis mahl auff's härkste von meiner Predigt/ vnd was daranff erfolget meldung thun/ vnd etliche Rosini vngegründte aufslagen ablehnen will. Ein ander mahl/ do es die Not würde erfordern/ sol der Christliche Leser/ wils Gott/ weiter berichtet werden.

Was nun meine Predigt/ darüber man mir so hart zugesaget/

4

gesetzet/ belanget/ (mein lieber Collega Er Paulus Reinecker/  
wird von seiner Predigt vnd andern zc. für sich selbst auch res  
chenschaft geben) helt es sich kürzlich dauon zu reden also.

Freitags nach Exaudi 1571. als Rosinus newlich zuuor  
plötslich vnd vergessentlich/ wie obgedacht/ abgetretten/ Habe  
ich da ich im Euangelisten Joanne/ den ich alle Freitag Bos  
che ntlich nach dem vermögen/ so Gott darreicht/ erklerete/ Als  
ich im 17. Capitel im Gebet Christi die wort: Ich habe  
dich verkleret auff erden zc. einfeltig ausleget/ vnter ans  
derm in anziehung der Exempel von D. Luthers seligers Lere/  
sonderlichen auch dis gemeldet/ Das D. Luther die Erbsünde  
mit so vielen hefftigen worten/ vnd also das es für der Vers  
nunfft/ wie zwar auch alle andere stück der Christlichen Lere/  
gar seltsam vnd ganz vngereimbt laute/ beschrieben/ Als/ das  
alles Sünde sey/ das von Vater vnd Mutter geboren wird/  
auch für der zeit ehe der Mensch alters halben/ was thun/ reden  
oder gedenden mag/ Aus solcher bösen Wurzel kan ja nichts  
guts für Gott wachsen. Item/ Das der Mensch nun nach  
dem Fall aus Gottes Bilde/ eine scheusliche Laruen vnd Bilde  
des Teuffels/ worden sey. Das der Mensch an seiner ganzen  
Natur vnd Wesen verderbet/ da sey weder Haut noch Haar  
gut/ zc. Wie wir auch singen: Durch Adams fall ist ganz  
verderbt/ Menschlich Natur vnd Wesen. Mit dieser beschreis  
bung der Erbsünde/ will Doctor Luther den Vater im Himmel  
verkleren/ Dvs wir also den grossen schaden/ jammer vnd vor  
derbung recht erkennen/ vnd dagegen die Gnade Gottes des  
Vaters/ das verdinst Ihesu Christi seines eingebornen Sons/  
vnd das Gnadenwerck des heiligen Geistes gegen vns arme  
Menschen/ die wir nichts denn Sünde für Gott/ auch recht  
erkennen/ rühmen vnd Preisen möchten. Vnd habe darauff  
gesagt/ diesem zu wider leren ist die Accidentarij/ welche für ges  
ben/

ben / Der Mensch sey aus Gottes Bilde nicht worden ein  
scheussliche Laruen vnd Bilde des Teuffels. Item / Die Sün-  
de habe beyde viel dinges / (viel vnd alles ist je nicht einerley)  
hinweg genohmen / vnd auch viel verrucket / verkeret vnd vers-  
derbet / an vnd in dem Menschen.

Dis Christlicher Leser sind die wort meiner Predigt /  
dauon auff Rosini vngegründtes vorschreien bisher so seltsam  
nachschreien gefolget. Darüber mir auch Rosinus (vngeacht /  
das solche Lere Gottes wort / den Schrifften Lutheri vnd ges-  
meiner Kirchen Lere gemetz / Vnd er auch Rosinus mit mir vñ  
andern in vnsern vorigen Confessionibus dergleichen wort  
gesetzt / Vnd auff den Pfingstmontag nach meiner Predigt /  
in erklerung des worts Welt / wie auch zuuor / dergleichen ges-  
prediget) ohne alle vorgehende vnterredung so hefftig zusehen /  
den Predigstul verschliessen / in meine Wohnung / wie auch meis-  
nem Collegam Ern Paulum Keinecker / durch bestrickung  
Sechs ganzer Wochen versperren / der gemeinschafft der Pre-  
diger vnd Bürger in der Stadt / das dieselbigen in vnserm  
elend vns nicht besuchen solten / berauben / fur das Consistorio  
um aus der bestrickung vnordentlich vns Citiren / all vnser  
Protestiren / bitten vnd erbitten / welches / wie wir mit Göttli-  
cher hülff darthun können / dem Buchstaben Formulæ Con-  
sistorij gleichmessig von vns gescheen / hindan setzen / vns vom  
Consistorio zu Jhena gen Weymar / vngeacht vnser Demü-  
tigen bittens / Das man vns des Arrests entnemen wolt / in vns-  
sere Wohnung ferner versperren / vnd endlich plözlich durch  
einen geschwinden / vnbillichen / vnordentlichen Proceß / entses-  
sen helffen / vnd der gestalt wie im anfang dieser Schrifte ge-  
meldet / vnerfindlich beschweret / zc.

Vnd do Rosinus die Widerwertige Lere / die Ich / wie  
obgedacht / billich gestraffet vnd verworffen habe / beschönen  
vnd

vnd entschuldigen wolte/ wie er dan bisweilen zu thun pfleget/  
 vnd sagen würde: Ich Rosinus vnd die es von meinet vnd an-  
 derer wegen sollen/ wie sie es angefangen hinaus führen/ vnd  
 allen Mans gnug sein / leugnen niche alle ding/ Das der  
 Mensch durch den fall Gottes Bilde verloren/ vnd ein scheusa-  
 liche Larue vnd Bilde des Teuffels worden sey/ Sondern wir  
 sagen nur/ wie man solches aus Gottes wort wölle beweisen.  
 Item/ man mache aus solchen reden vngereimbee folgereyen.

Darauff ich einfeltig antworre. Rosinus vnd seine vorges-  
 her wissen gar wol/ Das der thewre Man Gottes Lutherus/  
 gemelte vnd dergleichen Phrases vnd art zu reden/ aus wichtis-  
 gen vrsachen also gebrauchet/ das sie mit der heiligen Schrifft  
 vberlein stimmen/ das dieselbigen so liederlichen niche anzusech-  
 ten vnd verdecktig zumachen seyen/ Ja er Rosinus/ wie obges-  
 dacht/ hat mit Luthero vnd andern reinen Lerern/ dazu auch  
 mit denen/ die solche Phrases gedachter weise anfechten vnd  
 verdecktig machen wölle/ in Predigten vnd öffentlichen  
 Schrifften zuuor selbst gebrauchet. Das man saget/ Man wil  
 gleichwol dis oder das Gottes wort zuwider/ daraus folgern.  
 Antwort: Wird man gewis befinden vnd darthun können/  
 das jemand er sey wer er wölle/ aus der heiligen Schrifft/ Lu-  
 theri vnd anderer reinen bewerten Lerer reden / so in Gottes  
 wort gegründet/ etwas der Göttlichen Wahrheit zuwider will  
 schliessen vnd Leren/ so widerlege vnd verwerffe man solche fol-  
 gereyen gebürlicher weise / Vnd lasse die Reden der heiligen  
 Schrifft/ Lutheri vnd anderer reinen Lere vngemeistert vnd  
 vnuerworffen/ Dan was aus solchem bösen furnehmen endlich  
 würde folgen/ können Gottfürchtige/ verstandige Christen/ mit  
 Göttlicher hülffe leichtlich sehen.

Was die andere/ Gottes Wort/ Lutheri vnd gemeiner  
 Kirchen Lere/widerwertige Reden/ die ich in meiner Predigt/  
 B wie

wie obgedacht/ gestraffet vnd verworffen/ belanget/ Als da von  
meinen widersachern gesaget wird/ Die Sünde habe beyde viel  
Dings hinweg genohmen/ vnd auch viel verrucket/ verkeret vnd  
verderbet an vnd in dem Menschen/ Pflagen sie vnd Rosinus  
mit ihnen/ solchem also zuhelffen vnd es zubeschönen/ Das ge-  
setzet sey Viel/ vnd nicht Alles/ Sey von ihnen dahin gemel-  
net/ Der Mensch sey dennoch auch nach dem fall eine ver-  
nünfftige Creatur/ Die Vernunfft/ Natürlich dauon zureden/  
sey dennoch blieben. Antwort: Wer leugnet das/ das dis also  
nichts blieben sein solte/ Aber wozu dienet das/ vnd was thut es  
zur sachen/ wenn man fraget vnd aus Gottes wort dauon  
handelt/ Ob auch etwas/ irgent ein einig sündlin gutes an vil  
in dem Menschen blieben sey/ was Geistliche sachen belanget/  
das nicht weg genommen/ verrucket/ verkeret vnd verderbet sey.  
Da sagt Gottes wort der Mensch sey Geistlich todt fur Gott/  
Sey aus einem gar guten Baum/ ein böser Baum worden.

Der Natürliche Mensch/ Das ist der Mensch/ wie er  
ausser der gnaden ist mit aller Vernunfft/ Kunst/ Sinnen vnd  
vermögen/ auch auffs beste geschickt/ vernehme nichts vom  
Geist Gottes/ Es sey ihm eine torheit vnd könne es nicht er-  
kennen/ Denn er werde von Geistlichen sachen gefraget.

Vnd wie wir singen/ Durch Adams fall ist ganz ver-  
derbt/ Menschlich Natur vnd Wesen. Der Freye wille hasset  
Gottes Gericht/ er ist zum guten erstorben. Item/ Herz Mut  
vnd Sinn/ ist alles dahin/ 2c. Vnd wie Lutherus saget:

Die Dialectici vnd Philosophi beschreiben den Mens-  
schen/ sagen: Homo est animal rationale. Der Mensch ist  
ein vilig vernünfftig Thier. Das mag in der Dialectica vnd  
Philosophia wol war sein/ Aber welcher Prediger will solches  
in der Theologia fur Wahrheit sagen: In Weltlichen vnd  
Eusserlichen geschessien/ was die Narung vnd leibliche Noth  
turffe

zuriffe betrifft/ ist der Mensch Wisig/ Vernünfftig vnd fast  
schafftig/ Aber in Geistlichen sachen/ was der Seelen Heil bes  
eriffe/ Da ist der Mensch wie die Saltseule/ wie Loths Weib/  
wie ein Klok vnd Stein/ wie ein todt Bilde/ das weder Augen  
noch Mund/ weder Sinn noch Herz im brauch hat.

Aber da wir in dem vnd andern/ mit Luthero Gottes  
wort gemess reden. Darff Rosinus neben etlichen andern sich  
wol hören lassen/ Wollet ihr Luthero imitiren: Item/ Was  
habet ir mehr dan Luthero: Ah das ist kein gut zeichen. Also  
that auch Ostander in Preussen/ als von dem Artikel de Iu  
stificatione, D. Luthers in Gottes Wort gegründte me  
nung/ vnd seine Ostandri derselbigen zu wider gegen einander  
gesetzt/ vnd ihme Ostandro zugeschickt wurde/ schreibe er an  
D. Joachimum Morlinum/ Tantum ingerunt Lutheras  
na. Sie bringen nur aus Luthero was daher. Wo aber Osta  
ander vnd zwar andere mehr/ die so schimpflich von Luthers  
Lere vnd gesurten reden/ die er aus grund Göttlicher Schrifte  
an tag gebracht/ geredet/ endlich hin gerahen/ Vnd was ihnen  
aus gerechtem Zorn vnd straffe Gottes darüber begegnet/ ist  
am tage. Daran sich andere billich stossen/ vnd eines andern  
vnd bessern bedenden sollten.

Dis habe Christlicher Leser/ ich aus bringender Noth/  
von meiner Predige darüber man mir so hart zugesaget/ kürz  
lich berichten sollen/ Vnd ist mein fürsatz vnd meinung/ (wie  
auch zu vor die zeit Ich im Ministerio gewesen/ vnd auch hin  
furt durch Göttliche verleyhung sein soll) dahin gerichtes ge  
wesen/ das der Vater im Himmel auff Erden verkleeret möcht  
werden. Das dem Menschen fur Gott alles genohmen/ vnd  
Gott alles gegeben würde/ Welches se allen trewen rechtschaf  
senen Predigern/ in irem ganken Predigampi zuehun gebüret/  
Vnd solches do es geschicht/ ein recht merck zeichen ist/ das ihre  
furgetras

furgetragene Lere ein rechte Göttliche Lere sey. Daher dan auch D. Staupitz von Lutheri Lere/ das sie eine rechte Göttliche Lere sein müste/ gar wol geschlossen.

Ich zweiffel nicht/ alle Prediger des Göttlichen worts/ Ja alle andere Christen/ an welchen örten vnd was Standes auch die sein/ so neben der heiligen Schrifft/ der waren Augspurgischen Confession/ Schmalkaldischen Articeln/ Schrifften Lutheri mit Herz vnd Munde zugethan/ werden dis fals mit mir wol zufrieden sein/ mit Rath/ Trost/ Gebet/ vnd anderm sich meiner nach vermögen Christlichen annemen/ Welchen allen Ich es auch in Gottes furcht/ nach Gottes Wort ohne ansehen der Personen/ zu erkennen gebe.

Nun will ich etliche Rosini vngegründte auflagen/ mit Göttlicher hülff kürzlich ablehnen. 1. Rosinus schreyet vns vnaußhörlich aus/ Als haben wir vns in der Action/ weder Mündlich noch Schrifftlich in nichts einlassen wollen.

Antwort: Solches redet vnd schreibet Rosinus/ wie auch anders mehr/wider sein gewissen. Dann wir haben Mündlich vnser Predigt halben/rechenschafft geben/ vnd es auff Christlich erkentnis in vnterthenigkeit gestellet. Haben auch Schrifftlich vns kürzlich vnd einfeltig auff begern erklaret/ mit demütigem bitten vnd erbitten/ Da man aus Gottes Wort vnd Schrifften Lutheri/ Schrifftlichen eins bessern vns würde berichten/ das wir gern weichen vnd es zu danck annehmen/ In mangel aber des Schrifftlich darauff repliciren wolten/ vnd da vns die Schrifft wechselung abgeschlagen worden/ haben wir den ganzen handel dem erkentnis aller Superintendenten vnd anderer furnehmen Prediger/ Hof Rethen vnd Landstenden vermöge der Consistorij Formulen vnterworffen/ vnd auff demütigste gebeten/ das man also ordentlich in der sachen wie man thun solte vnd auch wol könnte/ Procediren wolte: Aber solch vnser stehen vnd bitten war vmb sonst. Das

7  
Das wir vns lieber in Schrifftwechselung dann in  
Mündliche Disputation / mit vnsern widersachern einlassen  
wöllen / solte Rosinus sich billich scheemen solches so vbel zu deu-  
ten.

Dann er weis nicht allein das wir des sonst gnugsame  
Ursach gehabt / sondern auch das er selber Rosinus in gleichem  
fall Mündlich conferirn abgeschlagen / vnd zu Schrifftlicher  
handlung sich erboten / Ja er hat einem Doctori Theologiae  
gerahen / das er sich in keine Mündliche Disputation im streit  
von der Erbsünde solte einlassen / sondern zum Schrifftlichen  
Conferirn sich erbiten / Vnd da solches von ihme gescheen / vnd  
er Rosinum des berichtet / hat er es ime gefallen lassen / vnd ihn  
vermanet dabey zubleiben / vnd auff nichts anders sich abzu-  
führen lassen. Dis vnd anders vergisset Rosinus vnd tadelt an  
vns / das er selber gethan / vnd andern zu thun gerahen / Wer  
kan solches an ihme loben :

2. Rosinus / wo er sonst nichts auffbringen kan vns zubes-  
schweren / so beschuldiget er vnd schreyet vns aus / wie wir vns  
so gar vnbescheiden in der Action sollen gehalten haben. Aber  
wir trösten vns vnser vnschuld vnd können / wils Gott / wo es  
nicht anders sein will / solchen vnd dergleichen Rosinischen ver-  
leumdungen / mit Publicirung der ganzen Action begegnen.

Von seiner Rosini Sonderlichen ganz schedlichen bes-  
cheidenheit / will ich dismal nicht sagen.

3. Rosinus vnd die seinen tragen vns aus / als haben wir  
ihme gebürliche ehre vnd gehorsam / welche Caplene irem Su-  
perintendenten schuldig erkogen. Aber solcher reden solten sie  
sich billich enthalten.

Er weis sich wol zuerinnern / des wir ihn in sachen / die  
nicht allein ihn als den Superintendenten / sondern auch vns  
seine Caplene Ampts vnd gewissens halben angangen / erins-

tere/ vermanet vnd gewarnet. Welches er/ das wir es thun  
sollen/ zwar von vns begert vnd bekant/ das er Erinnerung/  
vermanung vnd Warnung wol bedürffte/ auch bisweilen zu  
dancf angenohmen. Aber endlich/ sonderlich da er begunte auff  
dem Heuchelheimischen Wege etwas mehr/ daß zuuor/ einher  
zugehen/ hat er es in vngut auffgenohmen/ vnd mit Stürmi-  
schen drawenden Worten vns abgewisen/ vnd gesaget: Er wol-  
te im friede schaffen/ Wir musten ober den Berg hinaus/ Er  
wolte wol Pfarrer zu Weymar bleiben/ wir sollten sehen wo  
wir blieben/ zc. Eben darumb ist es zuthun/ vnd vmb nichts  
anders/ das nun seinem vnd der seinen surgeben nach heissen  
soll/ als habe man ihme ehre vnd gehorsam/ die einem Supers-  
intendenten gebüret/ entzogen.

Wir köndien wol leiden/ das das jenige so zwischen ime  
vnd vns gehandelt worden/ also in geheim bliebe. Wil er aber  
wie er angefangen es offenbaren vnd ausbreiten/ so sage er eins  
vnd das ander auch/ wie im gebüren will/ oder wir werden vers-  
ursachet/ das wir doch lieber wolten oberhaben sein/ also zu  
antworten/ das man das widerspiel solle erfahren.

Solten wir allein/ wie wir auff erforderung der Noth  
wils Gott/ thun können/ den Brieff den wir in einer grossen  
wichtigen sachen an in/ aus Christlichem wolmeinen vnd fürs-  
orge geschrieben. Item/ Seine vngereimbee/ vngehaltene/  
Stürmische/ hochtrabende/ dawende antwort darauff/ vnd wie  
wir ime dieselbige aus dringender Noth vnsers Ampts vnd ges-  
wissens/ Schriftlich also abgelehnet/ das er daheim bleiben  
müssen/ sich freundlich/ mit was Herzen/ ist wol zuachten/ vnd  
hat sich nun ausgeweiset/ gestellet/ bis er gelegenheit seinem  
Düncken nach ersehen/ vns zudrücken vnd zuuerstossen/ an tag  
geben/ Der Christliche Leser würde ohne zweiffel anders von  
sachen vrtheilen.

A. Kossis

4. Rosinus hat sich offte zu seinem glimpff/ vnd vnserm vns  
 glimpff vnter andern auch das lassen hören. Warumb haben  
 es meine Caplene nicht mit mir gehalten/ Ich solte je so schier  
 als sie wissen/ was rechte oder vnrecht were. Antwort freilich  
 solt es Rosinus billich wissen. Aber er weis/ das wol besser döchs  
 te/ vnd wie haben wir es disfals mit jme salua Conscientia  
 & Confessione halten können: Dan erstlich/ wie obgemel  
 det/ hat es Rosinus nicht mehr mit vns halten wollen/ vnd ist  
 seinen vorigen reden/ Schrifften vnd handlungen zu wider ab  
 getreten.

2. Ist solches von ihme geschehen ohn allen grund vnd ers  
 kentnis der sachen. Denn den Abent zuuor ehe er sich folgenden  
 tage/ wider vns brauchen lassen/ hat er sich hören lassen/ Er  
 könne/ was den Streit von der Erbsünde belanget/ noch nicht  
 gewis vnd genzlich schliessen/ Er wolle aber/ (das hette er thun  
 sollen) hinfurt beider theil Schrifften fleissig lesen/ den sachen  
 nach dencken/ vnd der Warheit sich erkunden.

Das saget er den Abent zuuor/ folgenden morgen sitzes  
 er wider vns in der Action/ vnd bekennet sich ganz vnd gar  
 Categorie zu vnsern widersachern. Mit was gewissen solchs  
 es von jm gescheen sey/ kan der Christliche Leser leichtlich den  
 cken/ vnd wird jm Rosino sein gewissen (Gott helffe jme) der  
 dermal eins besser sagen.

3. So hat er eine solche Censuram gestellet vnd von sich ges  
 ben/ welche/ wie wir darthun können/ Gottes wort den Schriff  
 ten Lutheri/ vnd vnsern vorigen Confession vnd Confutatio  
 on Schrifften/ so in Gottes wort gegründet/ nicht gemess.

4. Er hat in einem Jar/ welches beweist kan werden/  
 Dreierley meinung vom Streit von der Erbsünde gehabt.

5. So hat er die ganze Sechs Wochen ober/ als wir in vns  
 fern Wohnungen versperret gewesen/ vns kein wort zugespro  
 chen/



then/ Welches er freilich thun sollen wenn er begert hette/ das wir einig sein/ vnd lenger bey samen bleiben sollten.

6. Er hat vns in der Action nie keine rede gestehen/ vnd nichts antworten wollen/ vnd damit vns abgewisen/ Ich will nichts mit euch zuthun haben/ Ich will euch ander Leut vber den Hals schicken/ die sollen euch Mans gnug sein.

7. So ist es ein anzeigung/ das er seiner sachen vngewis/ dieweil er mit dem Zedel so er von der Cankel/ vns belangende/ falscher/ verkerter/ verstümleter weise gelesen/ zu winckel zu gekrochen/ vnd denselbigen weder vns noch zweyen Bürgern/ auff begern geben wollen.

8. Er hat auff mein demütiges schreiben / so ich in vnser Bestrickung an in gethan/ mir nicht allein kein wort geantwortet/ sondern dasselbige boshafftig zum ergsten gedeutet/ wie er dann auch die erinnerungs/ vermanungs vnd warnungs Schrift/ so ich nach vnser entsetzung ihme zugeschicket/ nicht annehmen vnd lesen wollen/ vnd dieselbige vngebrochen vnd vngelesen/ mit hochbeschwerlichen Worten mir wider geschicket.

Hat auch auff vnser schreiben/ so wir an einen Erbarn Rath gethan/ darinnen wir sein Rosini verirter/ verwirter Opinion von der Erbsünde/ vnd seines falschen vngegründten geschreyes auff der Cankel vñ anders gedencken/ weder mündlich noch Schriftlich vns geantwortet/ Aber auff der Cankel sich bald hernach aus bösem rachsirigen Herzen/ mit grossen betrübnis vnd ergernis vnser lieben zuhörer vns ferner zubeschweren vnterstanden.

9. So hat Rosinus/ wie das vielen/ die es von ihm gehört/ auch zur zeit nach dem er vns verfolget/ sich vernehmen lassen/ Gott im Himmel wisse/ Das der Streit von der Erbsünde ime zu hoch sey/ er verstehe es nicht/ er könne sich nicht drein schicken. Dis vnd anders so ist kürzhalben vngemeldet bleibet/ wird  
vns/

9  
vns/wie wir hoffen/ bey dem Christlichen Leser/ vnd sonderll-  
chen bey vnsern lieben Kirchkindern zu Weymar/ eneschüldi-  
gen/das sie vns nicht vbel deuten/ das wir mit Rosino gestals-  
ten sachen nach/ es nicht gehalten/ Welches wir mit gutem ge-  
wissen vnd ohne abbruch der Bekenntnis der Wahrheit/ nit thun  
können.

Vnd da bedencke man in Gottes furcht/ mit was gruns-  
de vnd gewissen/Rosinus sich zu vnsern widersachern ausdrück-  
lich ohne alle exception vnd Protestation bekant/wider vns vnd  
andere sich brauchen lassen/Das jenige/ so er zuuor in offnem  
Druck verworffen/ Mündlich vnd Schriftlich vnd auff of-  
fentlicher Cankel glossirt/vñ die so es in solchem mit jme nicht  
halten können/verdammte vnd verfolget/ sich vnd andere als  
lerding iustificirt vnd so begirig gewesen/ sich zum anleger/  
Zeugen vnd Richter/ vnd das wider alle Recht gebrauchen zu-  
lassen/vnd ferner wie seine drawwort vnd drawbriefe ausweis-  
sen/wo Gott es verhenget/ wird sich brauchen lassen wollen.

O weh dem armen Menschen/mit was gewissen hat er  
das gethan/vnd ferner thun wollen: O weh denen/ die in dies-  
sem fall/ Ich sage/ in diesem fall/ jhme als einem Seelsorgen  
vnd Beichtvater jre Seele vertrawet/ vnd auff des armen vns  
gewissen Mans vngewisheit/ gewiß was beschlossen vnd exe-  
quirt/vnd nicht wider vmb gekeret.

5. Zum Fünfften vnd letzten/ (das ich anderer Rosinischen  
auflagen dismal geschweige/) Rosinus lesset sich offemals hö-  
ren/als habe es vns gerewen/vñ er wisse so viel/wo wir es nicht  
angefangen hetten/ so wurden wir es wol bleiben lassen/Dar-  
auff soll Rosinus vnd meniglichen wissen/ das es sich keines  
weges also halte.

Wir haben Gott lob/ nichts böses angefangen welches  
vns gerewen sollte. Sollte vns das gerewen/ das wir vnserm

E Ampt

Ampe gewissen Confession vnd zuhöret/ vnd sonderlich Rosini  
selbst gelegenheit nach/ Gottes wort gemess geleret/ vnd die wis  
derwertige Lere ohne ansehen der Person gestraffet/ vnd habens  
deshalben da wir fur gefordert worden/ Mündlich vñ Schrifts  
lich rechenschafft geben/ vnd vns in demut des erboten vnd dars  
vmb gebeten/ das wir darüber nochmals Gottföchtiger/ vers  
stendiger Christen erkentnis wol leiden können.

Wenn wir aber mit Rosino so liederlichen/ ohne allen  
grund vnd gewisheit der sachen/ das jenige so wir zuvor zubros  
chen haben/ widerumb baweten vnd vns selbs zu vbertretern  
machten/ vnd solches Mündlich vnd Schriftlich/ heimlich  
vnd offentlich/ ja auch auff der Cansel fur vnsern lieben Kirchs  
Kindern zu Weymar zu glossiren/ vñ verschlagener weise zuuer  
theidigen vnterstanden hetten/ Wenn wir die Lerer vñ Prediger  
mit denen wir zuvor in der Lere vnd Bekentnis allerding einig  
gewesen/ vnd die keines Irthums ordentlicher weise aus heilis  
ger Schrift/ bestendig vnd gründlich vberwiesen oder vberfäs  
ret/ vnbedechtig vnd leichtfertig falscher Lere beschuldiget/ verz  
dammen vnd verfolgen/ vnd ire widersacher allerding iustificir  
ren helfen hetten/ Ja wenn wir vieler grewlicher Sünden Ros  
ini (welche zu erzehlen/ gehöret dazu ein sonderlicher Catalo  
gus) vns/ dafür vns Gott gnediglich behütet/ theilhaftig ges  
machet hetten/ dasselbige solte vns billich gerewen/ vnd je ehe/ je  
besser. Vnd gebe Gott im Himmel/ das Rosinum von Herren  
gerewe des in billich gerewen solle/ Er mit Gott vnd der geers  
gerten Kirchen gebürlicher weise/ Christlichen sich/ durch Göt  
liche gnade/ versüne/ vnd hinfurt anders erzeige.

Solte aber Rosinus (dem wir ein bessers von Gott  
wändschen) ferner vns in vnserm Elend zubeschweren/ vns  
auffhärlich fortfahren/ vnd wie er bisher als vnser furnembsten  
verfolger/ vnbillich vnd vnordentlich/ hochbeschwerlich wider  
vns

uns gewüret/ vnd uns nach dem wir von Weymar vnser geles  
 genheit nach/ an andere ort uns gewant/ verdecktig vnd verhasß  
 zu machen/ vnd wider auff zutreiben sich vnterstanden/ Ja aus  
 Cainischem Herzen/ wider das Kind in Mutter leib getobet/  
 In dem er Ern Paulo Keinecker meinem Collegæ/ des Haus  
 frau durch Gottes segen Schwanger gangen/ vnd Gottes ses  
 gen vnd hülffe zugewarten gehabt/ neben andern Kirchen  
 diensten/ auch die Tauffe auffkündigen lassen/ auch hinfure  
 noch ein zeitlang durch Gottes verhengnis es nicht besser/ son  
 dern wol erger machen würde/ Sind wir der zuuersicht/ vnser  
 liebe Kirchkindere zu Weymar vnd andere/ werden uns auch  
 ein Ohr behalten/ ehe sie vnser gegenantwort hören/ nicht uns  
 bedechtig vrtheilen/ sondern viel mehr vnser vnschuld aus  
 Christlicher Pflichte nach dem achten Gebot/ so viel möglich  
 vnd billich retten. So wollen wir auch/ wils Gott/ (da wir es  
 allerding nicht köndten vberhaben sein/ vnd durch Rosinum  
 oder andere dazu verursachet würden/) neben dem wir es Gott  
 dem rechten Richter vnd Recher befehlen/ so viel möglichen vnd  
 ordentlicher weise geschehen kan/ mit Gegenbericht vnd ver  
 antwortung Rosino vnserm furnembsten verleumbder vnd  
 verfolger begegnen/ Vnd nach dem Er Paulus Keinecker das  
 jenige/ so Rosinus aus dem 1. v. von der Cankel der gestalt  
 wie obgedacht/ verlesen/ nach der lenge nottürffiglich widerle  
 get/ Vnd ich den falschen Schriftlichen ausgesprengten Be  
 richt Rosini von vnser entsetzung/ durch Göttliche vorleyhung  
 Schriftlich auch verantwortet habe/ Aber solches bisher aus  
 obgedachten vnd andern vrsachen innen gehalten/ können wir  
 dasselbige neben andern Christen die Rosinus zum theil nicht  
 annehmen wollen/ zum theil verkehrlichen gedeutet sampt not  
 türffigem Bericht des ganzen handels/ auff erforderung der  
 Not an tag geben/ vnd es dem Christlichen Leser in Gottes  
 E 2 furcht/

furcht/nach Gottes wort vnd dem rechten Recht/ohne ansehen  
der Personen zuerkennen/heimstellen.

Wir wolten aber viel lieber Rosinus schonete sein selbst/  
vnser vnd anderer vnd bedechte/ er hette jm zuvor mehr dan zu  
viel gethan/vnd liesse ab vns ferner zu beschweren vnd zu drü-  
cken.

**S** Wer das mus ich hie/ aus hoch-  
dringender Noth/ was meinen skigen zustand in  
der Herrschafft Geraw belanget/ vmb derer wils-  
ten/ die es zu wissen begern/ vnd M. Fabri Pfars-  
ters vnd Superintendenten zu Geraw verleumbdung abzus-  
lehnen/kürzlich was melden vnd berichten.

Ich bin Christlicher Leser/ in die Herrschafft Geraw  
kommen auff gewisse vertröstung/ nicht allein der Herberge/  
sondern auch der förderung/ vñ habe zu Schippach vñ Thorn  
fast ein gankes Jar geprediget/vnd auff gescheene vertröstung  
in der Herrschafft verharret. Bin auch endlich nach dem der  
Pfarrer zu Thorn seliglich im HERN entschlaffen/ von den  
Bestrengen vnd Ehrnobesten Heinrichen von Schauroth  
dem Eltern zu Schippach/ Georgen Winklern zu Kretwisch  
vnd Berchtern von Schauroth zu Thorn/ vnd allen einge-  
pfarten Dorffschafften/einhellig/Mündlich vnd Schriftlich  
zum Pfarrer gen Thorn beruffen worden.

Aber von solchem meinem ordentlichen Beruff/ werde  
ich nicht allein abgewiesen vnd verstoßen/ sondern auch/ vnges-  
acht meines Berichtens/entschuldigens/bittens vnd erbittens/  
vormeint man wie man Mündlich vnd Schriftlich sich ver-  
nehmen lesset/ gnugsame vrsachen zuhaben/ mich weder zum  
Pfarrer zu Thorn noch sonst in der Herrschafft Geraw/  
ferner zu düliden.

Vnd

11

Vnd werde sonderlich von M. Fabio/ Mündlich vnd  
Schriftlich vnd auff öffentlicher Cankel/ nicht allein was den  
Artickel von der Erbsünde/ sondern auch was die ware Mens-  
schheit Christi belanget/ verdecktig vnd verhasst gemacher.

Denn das sein M. Fabri geschrey auff der Cankel/ so  
wol wider mich als etliche andere gerichtet sey/ haben die zuhö-  
rer aus vielen vmbstenden leichtlich zuuernehmen/ so lesset er  
sich auch das ohne schew hören.

Solchem vergessentlichen/ vngegründten/ vnordentli-  
chem ausschreyen/ sehe ich ist kürlich dis entgegen.

1. M. Faber ist mit mir/ wie in andern Artickeln der Christo-  
lichen Lere/ also auch was die Lere von der Erbsünde belanget/  
wie zuvor/ also auch da ich in die Herrschafft Beraw kommen/  
einig gewesen. Wie auch solches vnser in Druck gegebene Be-  
kenntnis/ vnd mein schreiben an in von dem auff's new erregten  
Streit von der Erbsünde/ Welches er im allerding gefallen  
lassen/ ausweisen.

2. Ist er mit meinen widersachern vnd verfolgern vnd fren  
Heuchlern/ nicht zu frieden gewesen.

3. Hat er mich ohn all mein suchen gen Schippach/ das ich  
dasselbst Predigen solte geföhret/ vnd auch Schriftlichen dem  
Bestrengen vnd Ehrnobesten Heinrichen von Schauroth  
dem Eltern/ doselbst/ commendirt/ vnd ein gut zeugnis der Lere  
vnd des Lebens geben.

4. Nach dem gedachter von Schauroth/ als Lehenherr der  
Pfarr Thorn/ als ich die Pfingstfeyertag ober/ des 72. Jars/  
durch Göttliche vorleyhung geprediget/ ohn mein gedencken  
vnd suchen mit dem bescheid/ das der Pfarrer zu Thorn der  
von wegen seines grossen Alters vnd vnuormögen/ das Ampt  
nit mehr versorgen köndte/ auff sein Leben nottürfftighen  
mit vnterhaltung vorsehen werden solt/ die Pfarr angetragen/  
E 3 hat

hat M. Faber solches gern vernohmen/ Vnd das er es auch  
zufördern wolte gestiffen sein/ sich erboten.

5. An der Kirchrechnung zu Thorn/ etwa Neun Wochen  
zuuor/ ehe er mich/ vngerecht meines bittens vnd erbietens/ mit  
grossen betrübnis/ ergernis vnd verseumnis der Kirchen vom  
Predigstul verstoffen/ hat er mir nicht allein ein gut zeugnis  
Lere vnd Lebens geben/ sondern neben dem Lehenherrn vnd an-  
dern für billich geachtet/ Das ich/ weil ich solche mühe die Kir-  
chen zur zeit der Kranckheit des Pfarrers zuuersorgen/ auff  
mich nehme/ für andern zum Pfarrer des ortes geordnet würde.

6. So hat er am Ostermontag dieses 73. Jars/ zu Schip-  
pach ausdrücklich bekant/ Ich sey zu Weymar vnbillich vnd  
vnordentlich meines Dinsts entsetzet/ Hat mir auch damals/  
wie solches im Schriftlichem Veruff vermeldet wird/ der Lere  
vnd des Lebens ein gut zeugnis geben.

7. So habe ich mich zuuor beruffen/ vnd will mich noch  
mals hiemit beruffen haben auff meniglich/ vnd sonderlich auff  
die Prediger in der Herrschafft/ vnd ganze Bürgerschaft zu  
Geraw/ ob jemand Mündlich oder Schriftlich das von mir  
vernohmen/ des mich M. Faber boshaftig/ zu seinem glimpff  
vnd meiner grossen beschwerung verdecktig zu machen/ vnters-  
siehet.

8. So habe ich neben dem zeugnis aller eingepfarten gen  
Thorn/ seine M. Fabri eigene Handschrift fürzulegen/ das  
rinnen er bekennet/ Das ich in der Herrschafft Geraw Gottes  
wort gemess geprediget/ vnd das man auch der Predige halben  
zu Weymar von mir gethan/ darüber man mir so hart zuges-  
setzet/ mich nichts zu beschuldigen/ 2c.

9. Habe ich so wenig wider in M. Fabrum/ als wider ses-  
mands anders (welches ich Noth vnd nicht ruhms halben sas-  
ge) weil ich in der Herrschafft gewesen/ etwas erreget/ ohne das  
ich

ich ihme einfeltig vnd fürklich antworten müssen / Da er mit einer Newen sonderlichen Confession von der Erbsünde/ an mich gesehet/ meine meinung dauon wissen/ vnd bey dem vorigen Consensu in doctrina nicht bleiben wollen.

Solche Confession habe ich ihme/ nach dem ich sie auff sein begern gelesen/ wider bracht/ Vnd da er meine meinung wissen wollen/ mich mit ihme vnterredet vnd geantwortet/ wie folget.

Das jenige / So Gottes wort den Schrifften Lutheri 2c. gemeß/ soll ich billich approbiren/ Aber das ich nur auff's fürs nembeste in ewer Confession sehe/ Ich kan mir nicht gefallen lassen/ das ihr so seltsame/ zumor vnerhörte Phrasen brauchet/ Als das jr saget: So bald die Natur vnd Wesen des Menschen in der empfangnis anfahe/ albereit die Sünde da sey/ vnd werde zugleich durch die Leibliche geburt fort gepflantzet.

Warumb sagt jr nicht lieber mit David Psal: 51. Sihe/ Ich bin aus Sündlichem Samen gezeuget/ vnd in Sünden empfieng mich meine Mutter.

Joan: 3. Was vom Fleisch geboren wird/ das ist fleisch/ vnd es sey denn das der Mensch von newen geboren werde/ kan er das Reich Gottes nicht sehen.

Ephes: 2. Wir sind von Natur Kinder des Zorns.

Item mit Luthero. Sihe/ So war ist's das ich fur dir ein Sünder bin/ das auch Sünde mein Natur mein anhebendes Wesen/ mein empfangnis ist.

Item die Summa der Christlichen Lere ist/ Das wir erkennen/ das wir ganz in Sünden sind / Ja das wir Sünde sind/ auch wenn wir in Mutter Leibe empfangen vnd formirt werden.

Das ihr auch in ewer Confession vnter anderm sehet/ Die Sünde sey in die Natur geschweift vnd geherttet/ lautet solches



ches/wie auch die oben gesetzten reden Manicheisch/vñ dadurch hebt ihr auff die Transformationem/die ihr doch zuvor gesetzet vnd zugelassen.

Ihr saget/ vnd ist rechte/wie wir singen/Durch Adams fall ist ganz verderbt/ Menschlich Natur vnd Wesen. Wie nun an Adams Natur vnd Wesen nach dem fall nichts gutes/nichts das Gottes Gesetz gleichförmig/ vnd das nicht Sünde ist/wo der Mensch nach Gottes Gesetz in seinem Gericht wird betrachtet/ vnd ist durchaus ein böser Baum/ der eitel böse Frucht bringet Matth: 7. Also helet sichs mit aller seiner nachkommen Natur vnd Wesen/ als die nun durch die Sündliche entpfengnus vnd geburt fort gepflanzet werden.

Wenn das köstliche Gold oder Silber/ wie ihr in ewer Confession setzet/vnd auch andere Lerer zuvor solch gleichnuß gebrauchet haben/ in eitel Schlacken verwandelt würde/ So köndte man wol dauon gedenccken vnd reden/das zuvor eitel gut Gold oder Silber gewesen/ vnd nun eitel Schlacken worden/ Das man aber wolte gedenccken viel dauon reden/ vnd mit der that gut Gold oder Silber zusuchen vnd heraus zuschmelzen/ sich wolte vntersehen/das weren eitel Narrische/ vergebene gedanken/ wort vnd fürnemen.

Also ist nun Menschliche Natur vnd Wesen nach dem fall/wenn der Mensch Geistlich/ mit Geistlichen augen/ die Gott geben muß/ angesehen vnd betrachtet wird/( wie ihn die Philosophi/ Physici/ Ethici/ zc. betrachten/ was sie gutes suchen vnd finden/dauon ist hie nicht zureden/ gehört hieher nicht/ vnd bleibt billich an seinem ort) viel erger worden/ Dann weiß das beste Gold oder Silber in Schlacken verwandelt würde/ So lasset vns weder zugedenccken/ viel dauon zu reden/ oder was gutes/tügliches/ vnd das fur Gottes Gericht nicht Sünde/ zu suchen vnd zu finden fürnemen. Dan dadurch würden  
wir

wir Gottes Gnade/ das werck der Erlösung/ vnd das Gnad  
denwerck des heiligen Geistes sehr verkleinern/ schenden vnd  
Lestern/ Dafür wolle vns Gott gnediglich behüten. Es heist/  
Nicht vns Herr/ sondern deinem Namen gib ehre vmb deine  
Gnade vnd Wahrheit.

Wie gut Menschliche Natur vnd Wesen vor dem fall  
gewesen/ wie arg sie nach dem fall worden/ Was den vnwiderr  
gebornen vnd widergebornen Menschen belanget / wie aller  
glaubigen Natur vnd Wesen endlich werden/ sein/ vnd ewiglich  
bleiben werde/ Da soll vnd kan man durch Gottes gnade/ nach  
Gottes wort vnterschiedlich gedenccken vnd reden.

Aber wo man die tieffgefallene/ Geistlich ermordete/ zum  
guten ganz vnd gar erstorbene Natur vnd Wesen/ Geistlich  
nach Gottes Gesetz betrachtet vnd dauon redet/ kan man/ weil  
nun nach dem fall auch nicht ein einiges Sündlein gutes vber  
blieben/ die gedanken auff nichts gutes richten/ noch dauon/  
das noch etwas/ das gut/ tüzlich vñ fur Gottes angesicht nicht  
Sünde sein solte/ reden/ Man wolte dann/ wie gemeldet/ Her  
rische/ vergebliche wort reden/ Ja mit gedanken vnd worten  
vns Ehre/ die allein Gott gebüret/ zuschreiben/ vnd also Gott  
Lestern vñ schenden/ Dafür wölle er vns je gnediglich behüten.

Wenn ein Kannengiesser ein Gefesz aus eitel Bley/ wie  
bisweilen geschicht/ wolte machen vnd ein Zeichen drauff schlas  
hen/ als were es Zinn oder je Halbwerck/ vnd nicht eitel Bley  
(welches doch ehrliche Kannengiesser/ die mit Gott vnd Eh  
ren sich gedenccken zu nehren/ nicht thun) vnd wolte es den Leu  
ten/ die es nit verständen fur Zinn oder je fur Halbwerck auff  
seilen vnd vorkauffen/ were nicht ein solcher Bube/ da man das  
hinter keme/ einer harten straffe werdt:

Was werden wol die Buben/ die in so hochwichtigen  
sachen so spilen/ Der Menschē/ Ja Gottes im Himmel/ der sich  
D wie

wie die Schrifft saget nicht spotten leffet/gleich spotten/In dem sie bekennen müssen/ Das vnser Natur nach dem fall/ Geistlicher weise nach Gottes Gesetz betrachtet/ so gewiß ganz vnd gar böse/ als gewiß ein Gefesz aus eitel Bley gemacht/ eitel Bley ist sie/ gleichwol (wie aller falschen Lerer art ist/ was sie ist gegeben bald wider nemen) nicht wöllen zulassen/ Das der Mensch mit Haut vnd Haar fur Gottes Gericht nach seinem Gesetz betrachtet/ Also böse/ vntüchtig vnd eitel Sünde wie Lutherus vnd andere/ Ja alle reine Lerer vnd Christen solchs bekennen/ fur straffe zu gewarten haben: Solche sind schedliche/ bestrigliche vorkauffen/ Die mit ihrem vnd ander Leut zeitlichen vnd wo sie nicht bekert werden/ ewigen schaden/ Das jenige so eitel Bley den einfeltigen fur Zinn/ oder je zum wenigsten Halbwereck ein schwachen.

Vnd habe im ferner gesagt/ Was wolt jr einen Sonderlichen theter der wirklichen Sünden machen/ vnd solches nicht viel mehr der verderbten/ verkerten vnd nach ewern eigenen Worten/ erger/ Dann wenn das beste Gold oder Silber in eitel Schlacken verwandelt wird/ durch den Geistlichen tod/ verwandelten Natur/ als einem gar bösen Baum zuschreiben: Das Fleisch heist es/ gelüstet wider den Geist. Vnd Lutherus saget: Diese meinung wöllen heutiges tages etliche Magistri Theologi vertheidigen/ Das nemlich die Natürliche kreffte noch vnvorlezt blieben sein/ Das ist/ das der Wille noch gut sey/ vnd ob er von wegen der bosheit bisweilen etwas vnrecht will oder gedencet/ Dasselbige/ sprechen sie/ thue der Wille nicht fur sich selbst/ sondern die bosheit des Menschen.

Wider diesen gefehrlichen Irthumb sol man sich wol bewaren/ auff das die Gnade Gottes nicht geringschetzig gemacht werde/ welche keines weges vnvorlezt bleiben kan/ wenn man also von des Menschen Natur halten will.

Ich

14

Ich habe auch alda angezogen das **Dictum Augustini**:  
Das jenige/ das vns bewegt böses zuthun/ vnd in vns wider  
vns strebt/ ist entweder eine frembde/ besondere Natur/ die wis  
derumb von vns soll abgefondert werden/ oder ist vnserere eigene  
verwundte/ verderbte Natur/ die da mus geheilet werden.  
Sprechen wir nun/ Es sey die frembde/ besondere Natur (oder  
wie jr **M. Faber** sagt/ was Sonders/ das so bald die Natur vñ  
Wesen des Menschen in der empfangnis anfahe/ albereit da  
sey/ vnd werde zugleich durch die Leibliche geburt fort gepflanz  
het/ Sey in die Natur geschweist vnd gehert) so fallen wir  
den Manichæern bey. Derwegen müssen wir bekennen/ das es  
diese vnserere eigene/ verwundte oder verderbte Natur selbs sey/  
auff das wir vns beyderseits wider die Pelagianer vnd wider  
die Manichæer/ verwaren.

Dieses höret er **M. Faber** mit grossem vnwillen von  
mir/ vnd saget: Mit der weise müste der Mensch eitel Sünde  
sein/ vnd hette Gott kein theil an ihm. Darauff habe ich ihme  
geantwortet/ **Chrysostomus**/ **Lutherus**/ vnd mit ihnen andere  
Lerer vnd Christen/ haben bisher nach Gottes wort es dafür  
gehalten/ vnd dafür es bestendiglich zu halten ist/ Das alle  
Menschen von Natur nicht allein Sünder/ Sondern ganz  
eitel Sünde sind.

Da wolte er durch den Reatum dem wort Sünde helf  
fen/ vnd also ausflucht suchen/ Habe ich ihme geantwortet/  
wir sind warhafftig Sünde fur Gott in seinem Gericht nach  
seinem Gesetze. Vnd solte billich **Lutherus** etwas mehr bey euch  
gelten/ welcher da er das wort Sünde definiert vnd beschreibet/  
vnter andern also saget: In sonderheit soltu daran nicht zweis  
feln/ Das das wörtlin Sünde/ in der Schrifft nicht in mans  
cherley/ sondern in einem vnd darzu einfeltigen verstand genos  
men vnd gebrauchet wird/ vnd solches laß dir die schwerhaffis

D 2 gen

gen Sophisten ja nicht nemen/ Nemlich das Sünde nichts  
anders ist denn das/ was mit dem Gesetz nicht vberlein kömpt.  
Hæc Lutherus.

Vnd habe ihm weiter gesagt/ Das jr furgebt/ wenn der  
Mensch eitel Sünde für Gott sey/ So habe Gott nun kein teil  
an ihm/ Man müsse je vnserm HErrn Gott auch etwas las-  
sen. Ist das meine einfeltige antwort: Wir sollen vnd wollen  
auch Gott durch seine Gnade das seine lassen.

Wir sollen es gewis dafür halten/ Das Gott den Men-  
schen anfänglich/ nach seinem Bilde heilig vnd gerecht an Leib  
vnd Seel geschaffen. Das aber Adam vnd Eva vnd alle ihre  
nachkommen/ vnheilige/ vngerechte/ an Leib vnd Seel böse/  
vnd für Gottes gestrengen Gericht/ da der Mensch nach Gots-  
tes Gesetz betrachtet wird/ nichts dann eitel Sünde vnd Hells-  
brende sind/ das ist nicht Gottes schuld/ der den Menschen/ wie  
ist gemeldet/ anfänglich gut geschaffen hat/ Sondern des Teu-  
fels/ der den Menschen von Gottes wort abgefüret/ betrogen/  
vnd nach Gottes drawung vnd gerechten Zorn vnd straffe/  
ganz vnd gar verderbet/ vnd geistlich ermordet hat.

Das nun von Adam her / das Menschliche geschlecht  
nach dem fall fortgeplanket/ gemehret vnd erhalten wird/ vnd  
bis an Jüngsten tag fort gepflanket / gemehret vnd erhalten  
werden soll/ Das ist allein Gottes werck/ bleibet Gottes werck/  
Er hat vnd soll allein theil an vns haben/ Er ist vnser Schöpf-  
fer vnd wir sind seine Creaturen/ Wie wir auch mit vnsern  
Kindern vnd allen Christen/ wo die in der Welt hin vnd wider  
zerstrewet sind/ bekennen vnd sagen: Ich glaube das mich Gott  
geschaffen hat sampt allen Creaturen/ mir Leib vnd Seele/ 2c.

Das aber alle Menschen nun nach dem fall/ ob sie wol  
Gottes geschöpf sind / gleichwol im gestrengen Göttlichen  
Gericht nach dem Gesetz betrachtet/ nichts denn eitel Sünde  
vnd

vnd warhafftig Sünde sind/ das ist nicht Gottes des Schöpfers schuld / sondern des Teuffels / welcher im Paradiß dem Menschen durch Lügen verführt/ vnd geistlich getödtet vnd zu nicht gemacht hat/ Vnd nun Gott das Menschlich geschlecht fortpflanzet/nach art der Natur vnd Wesens Adams vnd Eua/wie es nach dem fall ist worden.

Das solten wir einfeltig in Gottes furcht/ ohn sonderlich grübeln vnd klügeln bedencken/ vnd lassen war sein/ vnd Gott von Herzen dancken/ vnd vns freuen/ das er nicht allein obgemelter gestalt/ das Menschlich geschlecht Propagire/ mehret vnd erhelt/ Sondern weil wir in Sünden empfangen vnd geborn/ von Natur kinder des Zorns/ Fleisch vom fleisch geborn/vnd wo wir nicht wider geborn werden durchs Wasser vnd Geist/ ins Himelreich nicht gehören/ vnd nimmermehr drein kommen köndten/ sich aus grosser liebe vnd Barmhertzigkeit vnser angenommen/ Seinen lieben Sohn das Menschlich geschlecht zu erlösen gesendet/ durchs Wort vnd H. Sacrament vom heiligen Geist wir wider geborn werden/ vñ endlich von Todten zum ewigen Leben aufferwecket werden sollen.

Dis/ sage ich nach meiner einfalt/ Solten wir in Gottes furcht bedencken/ fur war halten/ vnd die vngereimbtten folgen der Vernunft/ vns nicht so sehr irren lassen.

Vber das habe ich ihme M. Sabro gesagt/ Das er in seiner Confession an den Patronis des Sophistischen/ Pelagischen/ Accidentis tadele/ das sie etliche reden/ so sie bisher der heiligen Schrift vnd Luthero gemess gebraucht/ so liederlich retractiren/ da thue er recht daran/ Das er aber andere die solche Phrases behalten vñ ferner brauchen/ deshalb Irthums beschuldige/ das sey vnrecht/ vnd in dem sey er wider sich selbs.

Vnd do er mir fürwurffe/ Was Schwangere Weiber fur einen Trost wurden haben wenn man also redete/ Es were

nicht wunder/ das sie vber solchen reden alzu sehr erschrecken/  
vnd wol gar verzweiffelten. Darauff ich ihme geantwortet/  
Wenn ich die Personen/ so Ehlich werden wollen/ Copulire/  
vnd ihnen Gottes wort fürlese/so spreche ich vber sie nach Gots  
tes wort Gottes seggen/ vnd Bete mit ihnen vnd andern so vor  
handen sind/ Das Gott sein Geschöpff/ Ordnung vnd Seg  
gen nicht verrucken noch verderben lassen/ sondern gnediglich  
in vns bewaren wolle. Ich bitte für Schwanger Weiber/ vnd  
dancke Gott vnd vermane andere zur dancksagung/ wenn Gott  
segnet vnd gnediglich hilfft. Ich frewe mich mit den Eltern des  
nen Gott durch seinen Segen/ Kindlein bescheret/ vnd wünda  
sche ihnen Glück. Vnd nichts desto weniger wenn man die  
Kindlein bringet vnd begeret/ ich soll sie Teuffen/ Sage ich  
nach Gottes wort/ das sie in Sünden empfangen vnd geborn/  
das sie der ersten geburt nach/ keinen theil am Himmelreich/ sons  
dern in abgrund der Hellen gehören/ Denn was vom Fleisch  
geborn wird das ist fleisch/ vnd wo der Mensch nicht anders  
geborn wird durchs Wasser vnd Geist/ kan er das Reich Gots  
tes nicht erben/ Das sie von Natur Kinder des zorns/ des Teuf  
fels gefangene/ zc. Dis vnd dergleichen wird geredet/ wenn man  
ein Kindlin Teuffet.

Vnd mein Herr sagt mir/ wie mus es wol mit dem  
Kindlin stehen/ weil der Teuffer vnter anderm saget/ Fare aus  
du Vnreiner geist/ vnd gib raum dem heiligen Geist: Soll  
man nicht mehr die wort reden/ wenn man Teuffet/ damit  
Weiber/ sonderlich Schwangere Weiber nicht möchten ers  
schrecken: Wo kompt jr mit dem her: Mit der weise müstet  
jr ordnen/ das kein Schwanger Weib mit gehe/ wenn man  
Kindlin Teuffet/ sie möchten zu sehr erschrecken.

Hören sie/ was die Sündliche empfangnis vnd gebure  
belanget/ schrecklichs/ wie es dann freilich schrecklich zu hören  
ist/

Ist/ So werden sie doch auch daneben getröstet/ wenn sie hören/  
 wie Gott aus Gnaden seinen Sohn gesandt/ der vom heiligem  
 Geiſt empfangen/ von Maria der Jungfrauen warer Men-  
 sch geborn/ habe vns erlöset/ des Wohlthaten vormittels des  
 Göttlichen worts vnd H. Sacrament im glauben/ durch die  
 Gnade des heiligen Geistes wir theilhaftig werden vnd ge-  
 niessen. Werden da erinnert/ wie sie ire Kindlin/ so Gott ihnen  
 bescheret/ mit denen es der Sündlichen empfangnis vnd gebure  
 halben so vbel stehet/ auch zur heiligen Tauffe fördern sollen/  
 damit sie durchs Wasser vnd Geiſt zum Himelreich widerge-  
 born werden/ Vnd hören auch sonderlich die sehr Tröstlichen  
 wort Christi/ der da spricht: Lasset die Kindlein zu mir kom-  
 men/ vnd weret inen nicht/ denn solcher ist das Himelreich.

Es hat warlich ein selzam ansehen/ Das man nicht will  
 lassen Sünde sein/ was warhafftig fur Gott Sünde ist.

Lutherus hat geweiffaget/ Das der Teuffel werde fort-  
 fahren/ vnd mehr Artickel angreifen/ wie er dan schon fünckes-  
 le mit den augen/ Das die Tauffe vnd Erbsünde nichts sey/  
 vnd da werde den wider ein gerümpel in der heiligen Schrifft  
 vnd Kirchen werden/ 2c.

Das gehet leider nach Lutheri Weissagung alzu sehr das  
 her/ vnd wird viel erger werden/ vnd so gar arg / das Leute  
 kommen vnd sagen werden / Man soll weder Sünde / Todt/  
 Teuffel noch Helle nennen / man möchte sonst jemand's er-  
 schrecken vnd vrsach zu verzweiflung geben. Hilff lieber Gott/  
 was wil es noch werden: Wenn man einfeltig bey Gottes  
 wort/ den Schrifften Lutheri vnd heiligen Catechismo blicke/  
 vnd die Artickel des Glaubens nicht in einander mengete/ vnd  
 nach der Vernunfft meisterte/ so würden solche vnd dergleich-  
 en ergerliche Reden wol vorbleiben.

Dies habe ich/ wie ich es nach geschehener vnterredung  
 als



als ich heim komen/bald auff gezeichnet/vnd auch vnlangst neben anderm Schrifftlichen vbergeben / M. Fabio als er mit seiner neuen sonderlichen Confession von der Erbsünde/ an mich gesezet/vnd allerding meine meinung dauon wissen wöls len/kürzlich vnd einfeltig geantwortet/vnd gebe es dem Christlichen Leser in Gottes furcht ohne ansehen der Person/ nach Gottes wort zu erkennen.

Was die ware Menschheit Christi belanget / hat er Mündlich/ Schrifftlich/ vnd auff öffentlicher Cankel gestritten/ vnd mich auch darein ziehen wöllen / hat an mich plözlich gesezet/vnd meine meinung von etlichen Reden wissen wollen/ Darauff ich ihme (in weitleufftigkeit/habe ich aus beweglichen vrsachen mich nit einlassen sollen) mit wenig worten Schrifftlich geantwortet : Was die Menschwerdung Christi belanget/ Gleube vnd bekenne ich mit der ganken Christenheit auff Erden/ das er warer Mensch/doch ohne Sünde von Maria der Jungfrawen geborn/ 2c. Vnd habe ihn daneben in die Postill des Herrn Doctoris Musæi gewissen/ vnd gleich warnen wöllen/sich furzusehen/Das/was zuuor zu Geraw von der waren Menschheit Christi/Gottes wort gemess geleret worden/ Nemlich das Christus vom heiligen Geist empfangen/ vñ von Maria der Jungfrawen geborn / ein gerechter/ heiliger Mensch mit Leib vnd Seele nach Gottes Bilde/ wie Adam vor dem fall gewesen/ 2c. er vngetadelt vnd vnuerworffen lasse/ Ob er deshalben mich also zubeschweren vrsach habe/ gebe ich dem Christlichen Leser zu erkennen.

Was ich mich anderer Lerer halben/ die er M. Faber gemieden vnd verdampft haben wöllen/ ohn ansehen der Person zur billigkeit/ ordentlicher weise erboten. Wie er zu fünffers ley Newen Confessionibus in der Controuersia von der Erbsünde/sich in einem Jar bekant/mich mit denselbigen geplaget/  
Sonders

17

Sonderlich die / darauß er schließlichen beruhen wollen mit  
offt geschickt/ ehe ich sie gelesen wider holen lassen/ wider schick-  
en wollen/ vnd doch endlich gar aussen blieben/ Was ich auff  
obgedachte beschuldigung Mündlich vnd Schriftlich geant-  
wortet/ Wie ich aus dringender Noth/ vmb ordentlich verhö-  
r für vnparteyischen/ beyde Predicanten vnd Politischen Perso-  
nen vntertheniglichen angesuchet/ Damit ich auff geschehene  
vielfeltige außlage M. Fabri/ meine gegen antwort thun/ vnd  
wie er selber des/ so er mir auffzulegen vormeinet/ schuldig/ aus  
seinem offt geenderten newen Confessionibus beweisen/ vnd  
billiches erkentnis vnd bescheids darauß gewarten möchte/ mir  
aber solchs gantzlich abgeschlagen worden. Das zeugen obge-  
dachter vom Adel/ vnd meine Brieffe vnd Bericht vnd darauß  
gegebene antwort/ welches fürßhalben ist vbergangen wer-  
den.

Wolte Gott M. Faber hörete auff mich zu beschweren/  
vnd seine wider mich surgenohmene vnbilliche hendel/ mit miß-  
brauch des Göttlichen Namens vnd zwar auch auff der Ean-  
gel zubeschönen/ nachliesse.

Ich sehe das er etwa von der Erbsünde vnd waren  
Menschheit Christi/ recht Predigen vnd wol öffentlich schreis-  
ben möchte/ so ist es doch weil er dadurch sich selbst iustificiret/  
vnd andere vnordentlich zur Vnbilligkeit beschweret / ein  
Sünde wider das ander Gebot/ vnd heist wie wir singen/ Ah  
Gott der thewre Name dein/ mus irer schalckheit deckel sein/ du  
wirßt ein mal auffwachen. Item Psal: 50.

Aber zum Gottlosen spricht Gott/ Was verkündigestu  
meine Rechte vnd nimest meinen Bund in deinen Mund:

So du doch Zucht hasset/ vnd wirffest meine Wort hinder  
dich.

Wenn du einen Dieb sihest/ so lauffestu mit im/ Vnd hast  
gemeinschaft mit den Ehebrechern. E Dein

Dein Maul leffestu böses reden/ Vnd deine Zunge erreibet  
falscheit.

Du sizest vnd redest wider deinen Bruder/ Deiner Mutter  
Son verleumbdestu.

Das thustu vnd ich schweige/ da meimestu/ ich werde sein  
gleich wie du/ Aber ich wil dich straffen/ vnd wil dirs vnter au-  
gen stellen/ 2c.

Vnd würde in solchem fall jme M. Sabro müssen fur-  
gehalten vnd entgegen gesetzt werden das jenige/ so ich ist kürz-  
lich gemeldet/ vnd anders so kürz halben vngemeldet blieben/  
Nemlich/ wie ich in die Herrschafft Beraw kommen / wie er  
mit seinen Newen/ Sonderlichen/offt geenderten/ vnrichtigen  
Confessionibus von der Erbsünde vnd waren Menschheit  
Christi/ so vnbestendig/ vnauffrichtig/ vntrewlich mit mir ge-  
handelt/ welcher gestalt ich zum Predigstuel kommen/ vnd fast  
ein ganzes Jar geprediget/ Wie plötzlich vnd gewaltsam/ vnz-  
geacht meines bittens vnd erbietens/ er mich vom Predigstuel  
verstoßen/ vnd denselbigen mir versperret/ Darüber die einge-  
pfarten gen Thorn/ mit grossen betrübnis vnd ergernis etlis-  
cher Predigten des Göttlichen worts/ vnd Brauche des H.  
Abentmals beraubet worden/ vnd etliche ohne allen Trost vnd  
Sacrament dahin gestorben / Vnd das herrliche Hohe Fest  
Annunciationis Mariæ, meinem verkündigen zuwider ab-  
geschafft vnd nicht gehalten worden/ Wie er meinen ordentli-  
chen Beruff gehindert/ Mich Mündlich vnd Schriftlich/ vnd  
auch auff öffentlicher Cankel verschlagener weise verdecktig  
vnd verhasst gemachet/ vnd noch mache/ Vnd in Ordentlicher  
verhör/ auff das jenige/ damit er mich vielfeltig vnersündlich be-  
schweret/ meine in allen Rechten zugelassene gegenantwort zu  
hören/ vnd ordentliches/ Christliches/ billiches erkentnis vnd  
erörterung der sachen/ zu leiden nicht wollen schuldig sein.

Solches

78  
Solches vnd anders/so sich zugetragen/muste ihme/ da  
er was zum Handel nicht gehöret/ herfur bringen/ vnd die sa-  
chen beschönnen wolte/auff erforderung der Noth (des ich doch  
viel lieber wil oberhaben sein) durch Göttliche vorlenhung  
entgegen gesehet/ vnd dem Christlichen Leser in Gottes furcht  
ohne ansehen der Person zuerkennen/ heim gestellet werden.

Hiemit thue ich den Christlichen Leser Gott befehlen/  
der wölle die seinen erhalten/ die Gottlosen bekehren/ Oder ih-  
nen stewart vnd wehren/ vnd vns von allem Vbel gnediglich  
erlösen/ Amen.


Johann Gunther/ in dem  
zustande/ wie obgemeldet/  
zu Geraw.



24









153450


ULB Halle  
004 342 046

3



Sb.







21

**Johann Günthers/et**  
**wa Diaconi zu Weymar notwendiger**  
Berichte/Warumb neben Ern Paulo Reinecker/er bisher auff  
die vielfeuligen vnerfindlichen Beschwerung/M. Bartholos  
maei Rosini des Weymarischen Pfarrers vnd Superintens  
denten/in offentlichen Druck nichts geantwortet/  
Aber hinfure mit Göttlicher hülffe/ aus  
vnuormeidlicher Not es zu thun/ver  
ursachet werde.



Syrach Cap : 10.  
Verdamme niemand/ehe du die sache zuuor erkennest/ ers  
kenne es zuuor vnd straffe es denn.  
Du solt nicht Vrteilen/ehe du die sache hörest/ vnd las die  
Leute zuuor ausreden.

1573.